

1 सुप्रीम कोर्ट नै मेडिकल पेशेवरें दी सुरक्षा यकीनी बनाने गितै राश्ट्रीय कार्य दल गी खडेरेया ऐ।

2 भारत मलेशिया नै रणनीतिक साझ भ्याली गी अगड़ा बदाने गितै फैसला लैता।

3 UPSC नै नौकरशाही च Lateral Entry सरबधी विज्ञापन गी कर्मियें ते सिखलाई विभाग आस्सेया निर्देश दे बाद रद्द करी दिता ऐ।

4 राष्ट्रपति द्रौपदी मुर्मू होरें कुदरती कुरौपिए च घट्टोघट्ट जानी नुकसान गितै कुरोपी दे पैहले कोला होने दी पेशनगोई आहली तगड़ी प्रणाली गी बनाने दा आह्वान कीता।

5 भारत ते जपान बश्कार नमी दिल्ली च दो जमा दो मंत्री स्तर दी गल्लबात चला'रदी ऐ। रक्षा मंत्री राजनाथ

सिंह ते विदेश मामलें दे मन्नी डॉ. एस. जयशकर होर
जपान दे हमरूतबा कन्नै गल्लबात करखान।

<><><><><><>

SC-Kolkatta Murder

सर्वोच्च न्यायालय नै स्वास्थ्य कर्मियें दी सुरक्षा
सुनिश्चित करने लेई राष्ट्रीय कार्यबल बनाया ऐ। मुख
न्यायाधीश डी.वाई चव्चूड़ हुवे नेतृत्व आहली पीठ नै
कलकत्ता दे अस्पताल च इक डाक्टर कन्नै होए दे
दुष्कर्म ते हत्या दे मामले दी सुनवाई दे दौरान आखेआ
जे कार्यबल अपनी रिपोर्ट त्रै हफ्तें दे अघर पेश करोग
ते बाद च खीरी रिपोर्ट दो म्हीने दे अघर पेश करने दे
निर्देश दिते गे'न। मुख न्यायाधीश होरें आखेआ जे
महिलाएँ दी सुरक्षा गी सुनिश्चित करने लेई अदालत
पूरे देसै चाँ डाक्टरें दा इक्क राष्ट्रीय कार्यबल बनाग।

एह कार्यबल ऐसे दिशा-निर्देशों दी सफारश करोग जेड़े पूरे देशा च लागू होंगन। न्यायालय नै आखेआ ऐ जे देसै च इयो नेई घटनापरतियै नेई होग। एहदे लेई जमीनी बदलाव आहनना जरूरी ऐ। डाक्टरें दे इस कार्यबल च Surgeon Vice Admiral R.Sarin, Dr. D. Nageshwar Reddy. Dr. M. Shreenivas, Dr. Pratima Murty, Dr. Goverdhan Dutt Puri, Dr. Saumitra Rawat, Prof. Anita Sexena (H.O.D. Cardiology, AIIMS Delhi) Prof. Pallavi Sapre (Dean, Grant Medical College Mumbai ते Dr. Padma Srivastava (Neurology Deptt. AIIMS) शामिल होंगन। न्यायालय दी खडपीठ नै एह बी दस्सेया जे महाराष्ट्र, केरल, तेलङ्गाना जनेह किश राज्यें च डाक्टरें दे खलाफ हिस्सा कन्नै निब्बड़ने लेई अपने कनून बनाए देन।

<><><><><><>

India-Malaysia

भारत ते मलेशिया नै श्रम ते रोजगार, आयुर्वेद ते परम्परागत दोआई, डिजिटल प्रौद्योगिकी, सङ्कृति, सैलसफा ते युवा ते खेड्डें दे क्षेत्र च कई समझौतें उप्पर दस्तखत कीते। दौनें मुख्यें जन प्रशासन, शासन सुधार ते आपसी सहयोग दे क्षेत्र च बी समझौते उप्पर दस्तखत कीते। इनें समझौतें उप्पर नमी० दिल्ली च प्रधानमन्त्री नरेंद्र मोदी ते मलेशिया दे प्रधानमन्त्री दातो सेरी अनवर बिन इब्राहिम हुद्रे बशकार शिष्टाचार गल्लबात दे बाद दस्तखत कीते गे। श्री मोदी होरें आखेआ जे दौनें मुख्यें दे बशकार राजनैतिक साझेदारी गी 10 बरे पूरे होन जा करदे न ते पिछले द'ऊ बरें च इस साझेदारी नै इक नमी०रफ्तार फगड़ी ऐ। प्रधानमन्त्री होरें फिनटेक, सेमी कण्डक्टर, रक्षा उद्योग, आर्टिफिशल

इंटेलीजेंस ते Quantum प्रौद्योगिकी जनेह नमें क्षेत्रें च
बी सहयोग बदाने दी जरूरत उप्पर जोर भरेया।

<><><><><><>

PM-Rajiv Tribute

प्रधानमन्त्री नरेंद्र मोदी होरें अज्ज साबका प्रधानमन्त्री
राजीव गांधी होरेंगी उदी जयन्ती पर शरधाजलि भेंट
कीती। लोकसभा च विपक्ष दे नेता ते काण्डेस सासद
राहुल गांधी होरें नमीदिल्ली च वीर भूमि जाइयै साबका
प्रधानमन्त्री राजीव गांधी होरेंगी शरधाजलि अर्पित कीती।

<><><><><><>

Govt. Lateral Entry

नौकरशाही च लेटरल एन्ट्री सरबन्धी विज्ञापन गी UPSC
गी रद्द करी दिता ऐ। एहदे कोलापैहले सरकार नै
UPSC गी इयाकरने दा निर्देश दिता हा। एह गेंह

हाल च गै किश दिन पैहले UPSC आस्सेया 45 सञ्चुक्त सचिवें, निदेशकें, उपसचिवें गी केंद्रीय मन्त्रालय नियुक्ति गितै इक विज्ञापन जारी कीता हा जिसे बरोधी पार्टियें आस्सेया सुआलें दे घरे च पाया गेआ हा। कर्मियें ते सिखलाई विभाग लेई केंद्री मन्त्री डॉ. जतिन्द्र सिंह होरें UPSC अध्यक्ष प्रीती सूदन होरें गी इक चिट्ठी लिखी ऐ जिस च उनें आखेआ जे प्रधानमन्त्री नरेंद्र मोदी हुदा मनना ऐ जे लेटरल एट्री दी प्रक्रिया सविधान च हिस्सेदारी ते समाजी न्याय कन्ने सज्जोना ऐ। खास करिये आरक्षण दे प्रावधानें मुतल्लक होना लोड़चदा ऐ। मन्त्री होरें आखेआ जे प्रधानमन्त्री हुवे लेई सार्वजनिक रोजगार च आरक्षण दसरकार दे समाजी न्याय खाके च आधार न जिसदा मकसद सदियें परानी बेन्याई उप्पर ध्यान देना ते समावेशी-पन

गी बढावा देना ऐ। डॉ. सिह्व होंरें आखेआ जे एह जरूरी
ऐ जे समाजी न्याय बक्खी सवैधानिक जनादेश सेई हो
ताजे हाशिये उप्पर रवा'रदे योग्य मेदवारें गी समुदाय
गी सरकारी सेवाए च उद्दी हक्क आहली नुमायदगी
थहोई सकै। उनें आखेआ जे बड़े चिरें थमा लेटरल एट्री
आहले पदें गी विशेष मन्नेया जद्दा हा ते इक्कली काडर
आहली असामी ताईं नियुक्त कीता जद्दा हा। अपने पत्र
च डॉ. सिह्व होंरें उजागर कीता जे लेटरल एट्री गी
2005 बरे च Veerappa Moily हुदी अध्यक्षता आहले
दुए प्रशासनिक तरमीमी आयोग आस्सेया बढावा दित्ता
गेआ हा।

<><><><><><>

Vaishnav-Lateral Entry

तोआईं मुद्दे उप्पर प्रतिक्रिया दिवे होई सूचना ते प्रसारण मंत्री अश्विनी वैष्णव होरें आखेआ जे लेटरल एंट्री गी आरक्षण दे असूलें कन्नै जोड़ना प्रधानमंत्री नरेंद्र मोदी हुवा समाजी न्या प्रति बचनबद्धता गी दर्शांदा ऐ। इक सोशल मीडिया पोस्ट च श्री वैष्णव होरें आखेआ जे प्रधानमंत्री हुवा समाजी न्या उप्पर म्हेशांगै यकीन हा ते उद्वे कारजक्रमें समाज दे कमजोर तबके दे कल्याण गी अग्वे बदाया ऐ। मंत्री होरें आखेआ जे यूपीए सरकार दौरान आरक्षण दे असूलें उप्पर सोच-विचार नेई कीता जवा हा।

<><><><><><>

Prez. Geoscience Award

राश्ट्रपति द्रोपदी मुर्मू होंरें प्राकृतिक आपदाएँ दे कारण मरने आहलें दी गिनतरी घट्ट करने लेई देसै दी कुसै बी क्रोपी कोलाँ पैहले पता देने आहली प्रणाली गी सौक्खा ते मता सटीक बनाने उप्पर जोर भरेया। राश्ट्रपति भवन च राश्ट्री धरत विज्ञान पुरस्कार देने दे बाद राश्ट्रपति नै देस दे बक्ख-बक्ख हिस्सें च जमीन खिसकने ते हाड़ जनेही प्राकृतिक आपदाएँ दे कारण जान माल दे नुकसान बारै गल्लबात कीती। राश्ट्रपति होंरें 12 श्रेणियें च 21 धरत वैज्ञानिकें गी राश्ट्रीय धरत विज्ञान पुरस्कार प्रदान कीते। 1966 च खदानें सरबधी मन्त्रालय आस्सेया सरबधी विज्ञान दे क्षेत्र च दिते जाने आहले राश्ट्रीय धरत विज्ञान पुरस्कार प्राचीन ते मते प्रतिष्ठित राश्ट्रीय पुरस्कारें चा इक ऐ। इनें पुरस्कारें दा

मकसद धरत विज्ञान खनिज अनुसंधान ते अन्वेषण
खदानें सरबद्धी टेक्नोलाजी ते खनिज दे ला मौलिक
धरत विज्ञान दे बकख-बकख क्षेत्रें च असाधारण
उपलब्धियें ते महत्वपूर्ण योगदान लेई वैज्ञानिकें गी
सम्मानित करना ऐ। उनें आखेआ जे देश च कीते गेदे
सुधार ते नमियाँ काड्डी छड़ा आर्थिक विकास गी
बढ़ावा नेई देआ रदियाँ बल्कि पर्यावरण सशक्षण च बी
कारगर साबित होआ रदा ऐ।

<><><><><><>

India-Japan

भारत ते जपान बश्कार दो जमा दो मन्त्री स्तरै दी
गल्लबात अज्ज सझा नमीँ दिल्ली च चला रदी ऐ जेदे
च रक्षा मन्त्री राजनाथ सिंह ते विदेशम मन्त्री एस.
जयशकर होरें अपने जपानी हमरूतबा कन्ने गल्लबात

करछान। इस गल्लबात दा मकसद दौनें मुख्यें बशकार होरनें क्षेत्रें दे अलावा रक्षा ते आपसी सरबछै दे क्षेत्र च रिशतें गी मजबूती देना ऐ। एहदे शा पैहले जपान दे इनें मत्रिएँप्रधानमछी नरेंद्र मोदी हुवे नै बी मलाटी कीती ऐ।

<><><><><><>

Govt. Internet User

सरकार नै आखेआ ऐ जे माली बरे 2023-24 च 7 अशारिया 3 करोड़ इटरनेट उपभोक्ता ते 7 अशारिया 7 करोड़ ब्रॉडबैंड उपभोक्ता जोड़े न। सछार मञ्चालय नै आखेआ ऐ जे इस समय दौरान 88 करोड़ थमाँ 95 करोड़ उपभोक्ताएँदा आकड़ बदी गेआ ऐ। सरकार नै आखेआ ऐ जे भारतीय सछार क्षेत्र नै 2023-24 बरे दौरान मती वृद्धि दर्ज कीती ऐ। ट्राय आस्सेया जारी कीती गेदी सलाना रिपोर्ट मताबक मुख्यै च टेलीफोन

उपभोक्ताएँदा आकड़ा पिछले बरे दे मार्च दे अखीर च
117 करोड़ हा जेड़ा जे इस बरे दे मार्च दे अखीरै कोई
120 करोड़ बदी गेआ ऐ।

<><><><><><>

Doctor Strike Called off

राम मनोहर लोहिजा अस्पताल दे प्रेजिडेंट डाक्टर सख
नै अपनी हड़ताल गी वापस लेई लैता ऐ। स्वास्थ्य
कर्मियेँ दी सुरक्षा यकीनी करने ते कोलकाता च महिला
डाक्टर कन्नै कथित दुष्कर्म ते हत्या मामले च तौलें
न्या दी मण्णा गी लेइयै डाक्टर हड़ताल पर ऐ हे। सख नै
आखेआ जे सरकार दी तरफा उद्दी सब्बै महत्वपूर्ण मण्णों
गी मनने दे आश्वासन दे बाद हड़ताल वापस लैने दा
फैसला लैता गेआ ऐ। होरनेँ मडिकल कालेज ते

अस्पतालें दे प्रेजिडेंट डाक्टर एसोसिएशन नै बी हड़ताल
वापस लैने दा फैसला लैता ऐ।



Govt. Fair Price

केंद्री उपभोक्ता मामले, खाद्य ते सार्वजनिक बड सरबद्धी
मन्त्री प्रहलाद जोशी होरें अज्ज नमी-दिल्ली च 60 वाजव
भाए-आहली दकानें गी जन पोषण केंद्रें च बदलने दे
कार्यक्रम दी शुरुआत कीती। कार्यक्रम च सडोधित करदे
होई श्री जोशी होरें आखेआ जे जन पोषण केंद्र वाजव
भाए-आहली दकान दी आमदनी गी बदाने च मदद
करोग। श्री जोशी होरें 5 होर बी कार्यक्रमें दी शुरुआत
कीती जिधे च मेरा राशन ऐप, म्यार गी बनाए रखने
सरबद्धी बवस्था, गुणवत्ता मैनुअल पुस्तीका, भारती खाद्य
निगम दी काट्रैक्ट मैनुअल ते प्रयोगशालाए-दा NABL

प्रमाण पत्र शामिल है। उन्हें आखेआ जे एहदे कन्ने
बवस्था च पारदर्शिता औग। विभाग नै वाजिव भाए
आहली दकान दे दकानदारें आस्तै सौकखे ते तौलें दोआर
लैने लेई भारती लघु उद्योग विकास बैंक कन्ने समझौते
उप्पर दस्तखत कीते।

<><><><><><>

Russia-Ukraine

रूस नै आखेआ ऐ जे यूक्रेन कन्ने लगातार जारी टाकरे
दे चलदे कुरसक खिते च 9 बन्ने आहलें जिले थमा 1
लकख 20 जहार कोला 1 मते शहरियें गी सुरक्षित कड्डी
लैता ऐ। रूस दे आपातकाल आहले मन्त्रालय नै आखेआ
जे लोकें गी सुरक्षित कड्डने दा कम्म अजें बी जारी ऐ।
रूस दे अग्गे बदने ताईं यूक्रेन नै बी मते हारें परोआरें
गी मुख शहर POKROVSK छोड़ने दे आदेश जारी कीते

न। लोकें गी सुरक्षित कड्डने आहला आदेश उसलै आया
ऐ जिसले रूस, यूक्रेन दे पूर्वी Donetsk खिते बक्खी
अग्गे बदा'रदा ऐ ते दावा कीता ऐ जे उनें .. कस्बे
उप्पर अपना कब्जा करी लैता ऐ। मकामी अधिकारियें
दस्सेया जे रूसी फौज तेजिया कन्ने अग्गे बदा'रदी ऐ ते
उत्थे रवा रदे परोआरें गी तुरत गै शैहर छोड़ना लोड़चदा
ऐ।



IMD-Weather

भारतीय मौसम विभाग नै अगले दऊ दिनें लेई उत्तर
पूर्वी भारत च भारी थमांमती भारी बरख दी पेशनगोई
कीती ऐ। मौसम विभाग नै बाङ्गलादेश दे मध्य हिस्से च
हवाएँ दी खोद्दल तैहत असम, मेघालय, नागालैंड,
मणिपुर, मिजोरम ते त्रिपुरा च मौलेधार बरखा दी

पेशनगोई कीती ऐ। विभाग नै अगले दऊ दिनें दौरान
केरल, तमिलनाडू ते लक्ष्यद्वीप च कुते-कुते भारी थमा
मती भारी बरखें दी पेशनगोई कीती ऐ।

<><><><><><>